

四庫全書

史部

欽定四庫全書

經義考卷二百五十五

翰林院檢討朱彝尊撰

四書

四

程氏

復心

四書章圖

二十二卷

存

程鉅夫序曰夾漈鄭氏謂古者書必有圖然稍見於

六經傳注之家惟車服名數而已余少學於臨川見
雙峯饒氏大學中庸圖始識古人立圖之意去今又
五十餘年乃得吾宗子見四書圖章為之圖圖為之
釋有本有末有終有始如天之文地之理莫不合於
自然非深得古人之意不能也世之譚神仙學金鼎
者猶必假圖說以達其旨況為聖人之道者哉此圖
之與書必不可已也子見書既成上之朝將畀之
秩慨然曰凡吾所以至此者非以進取為也欲俾天

下知有吾書也吾親老矣吾歸養吾親復何求哉即
以為鄉郡教授致仕嗚呼此所以為古人之學也余
既不能為子見留乃序以送之延祐改元歲在甲寅
王約序曰集賢待制周君南翁持諸君所作四書圖
引見示且曰圖乃吾鄉士程子見進於有司者子見
年踰耳順以親老授新安教授致仕歸養敢丐子言
予因告南翁曰道學之稱肇於河南二程子四書之
目起於考亭朱文公在宋有川洛朔之黨互為詆訾

莫能相尚要其歸但視主之者勢力隆替耳而公是
公非殆有不可掩者逮我朝魯齋先生許公出道學
四書復感然從之者多而真知者寡坐談者易而行
之者難道也四書也皆吾夫子天包地載範世立極
千萬禩不易之良法也蓋人人得而知人人得而有
人人得而用同育而不相害並行而不相悖固不可
標榜曰道學分別曰四書拘拘然紆紆然徒事虛文
而已顧言行相副表裏一致而後可真知篤行之效

也噫發源者初未必然濬流者激而至此予觀子見
撰述如此之富去就如此之明質諸所學而不詭庶
幾服膺吾夫子之訓者歟南翁愕曰異哉子之說請
書以為子見南轅序

趙孟頫序曰古今類書多矣大而天地日月山岳河
海微而昆蟲草木以至人事之成敗興廢言語文字
之等莫不會萃摭拾人誇多而家競富其用也不過
為詞章而已其於道德仁義則無有也新安程子見

白首窮理於朱子之學若饑之於食渴之於飲寒暑
之於裘葛晝不舍而夜不輟貫穿精熟於是類而為
書列而為圖道德性命仁義各以類從使學者一覽
而盡得之其有補於理學甚大豈古今類書所能望
也予既讀之知其用心之篤而予見引年而歸予甚
高之故書其篇首以致意云延祐改元春三月十三
日

元明善序曰理學至宋九大儒言之可謂詳且明矣

苟潛心於四書發之以近思錄而後進於易書詩春秋何理不窮以之修身治人聖賢事業不外乎是然理自難明言之易差非明師良友講授之真幾何不有千里之繆哉新安程君復心四書章圖取朱子章句集注一一為之圖觀者瞭然即曉大義深有補於初學雖然四書之旨深矣有非圖所能盡者學者因是以求章句集注因章句集注以得聖賢之心聖賢之事業為可企及也歟延祐改元清明後二日

鄧文原序曰書之有圖猶天之厯象象本於自然雖
聖智不能加毫末厯則為之垂除羸縮以求合乎天
者也故治厯而不得其理歲久必差象則昭晰烜著
凡有目者皆可睹而定書自六經而下衆言淆亂有
戾於聖人之道者矣而圖不能以強為譬諸山川草
木宮室器物日與人接繪者一有訛謬輒為衆訕笑
夫圖之難如此四書始表章於濂洛而大盛於考亭
朱子發幽闡微旨義炳煥使習其讀者可以遊聖賢

於數千載之上若身列諸門弟子而授受焉也新安
程君子見復為之圖以惠學者章分句析鉅細不遺
吾獨惜君之生也後不得親取正於朱子也又幸學
者因圖以求朱子之意而有得於四書者其效未有
止也雖然吾獨有說焉自四書之學行家傳而人誦
之矣求諸致知而力行者率千百不一二更世之論
儒者常以是相詬病凡道必有對待自陰陽剛柔仁
義引而伸之不可殫盡學者每有所偏或舉一而遺

其二從其易而不究其所難故去道日遠聽言視行
聖人猶為宰予而改矧去聖人若是其遠也哉夫圖
也書也致知之事也而未及乎力行也傳之書者可
圖也傳之心者不可圖也必得傳心之妙而後可與
學道子見年才六十朝廷旌用為郡博士而子見以
親老乞致仕其於進退出處不亢不汙庶幾乎力行
之士矣故予為序其編首而歸之

虞集序曰右四書章圖纂要者新安程君復心之所

著也其為書也蓋取朱子論語孟子集注大學中庸章句之說有對待者若體用知行之類有相反者若君子小人義利之類有成列者若學問辨思行之類隨義立例章為之圖以究朱子為書之旨其意可謂勤且切矣皇慶二年有司以君與書薦於朝明年以徽州路儒學教授致仕而歸年才六十耳間出其書以示集使集識之集曰昔之為圖者蓋未始有書也姑假夫奇偶之畫以擬其不測之迹而著可見之象

引其方圓逆順之體而極夫消息變化之妙簡奧微
妙未易知也後聖後賢有作然後推以立言而天地
人之蘊盡矣則書固所以明圖者也今君之圖則又
以明夫書者也蓋孔門諸子叙述夫子所言與曾子
子思孟子之所述煥乎大哉昭如日星又有周子二
程子張子與其門人弟子相與講明之聖賢之微言
大義豈復有不盡者哉及朱子為之集注章句然後
會衆說而歸於一其所以極博約之功者千古所未

有也凡終始本末之說內外精麤之辨條分縷析粲然有序今其書家藏而人讀之然而習之而不察者猶衆也夫舍朱子之言則何以知四書之旨然非有以貫通其條理而分別其節目則朱子立言之意又何以得之也哉然則君之為圖也可謂有功於考亭有補於同志者矣集不敏三復三歎敬識而歸之雖然集嘗聞之曰書不盡言圖不盡意又曰體用一原顯微無間嗚呼安得因子之圖以得言而忘圖因言

以得意而忘言者而與之共論此乎延祐元年三月

甲午

楊載序曰四書者王道之骨髓五經之根柢也自孟子後無傳於世伊洛大儒始發其端至於文公遂尋而竟之文公學者萬餘人著名者數十人文公雖貴為從官而常自放於山林之中極幽窮深人迹所不到之處優游終歲研窮詰訓斷離章句至辭有曲折意有難明輒與其徒互相詰難往復紬繹五三聖人

以道相傳而託之於文字雖皋夔伊傅之徒蓋僅有
聞者而去之千載將逆求其旨豈非難哉文公以希
聖之才曳踵伊洛纂輯舊聞性命道德發無餘蘊綱
紀大倫使人道生生不遂滅息其書亦既流出於八
極之表雖言語不通文字不同譯之以象人無間中
國然而文公造事弘大網羅萬殊沈思默慮晝夜不
輟至於屬續猶有所更定補而輯之使無缺遺亦文
公之所望於後人者也程先生生文公之鄉里授受

此書具有師法懼學者務以諛詞破碎大道或掇拾一二妄肆詆毀攷凡辭見異同義涉疑似者列而為圖使學者於文公之言了然於心欲疑無所蓋有為都邑之遊者念其鄉人之不能至也作都邑志以遺之或者又因其志繪而為圖既繪而圖則覽之者知益易矣程先生行義甚脩蓋所謂真知而實踐之者故其為言綜覈深固有所據依學者觀焉如伐鄧林而假利於斤斧則其所獲不多且逸哉延祐元年後

三月十一日

臧夢鮮序曰混沌未鑿鴻蒙茲萌固未有圖也自宓
犧氏之王天下也河出龍馬負圖焉聖人以此發造
化之機闡鬼神之祕兩儀生四象四象生八卦而生
生不窮之理實肇於此於是易有圖一百二十有二
書有圖七十有七詩有圖七十有六禮有圖一百一
十有二記有圖九十有八春秋有圖一百二十有六
而六經之圖備矣其他五行有圖天文有圖地理有

圖三禮有圖紹運有圖器物制度亦各有圖圖非不多也惟四書章句集注未有為圖者林隱程君生文公之鄉志文公之學而自得乎孔曾思孟之心用力四書闡微析幽分章纂圖垂三十年而書始成又間出已見以發明文公未盡之說名曰四書章圖纂釋後學之士苟能因圖以求解因解以求經則四書義理瞭然於胸中矣豈非後學之指南讀書之捷徑也歟予嘗聞諸文公之教學者有曰學問須以大學為

先次論語次孟子次中庸又曰大學中庸語孟四書道理燦然人只是不去看若理會得此四書何書不可讀何理不可究何事不可處也旨哉言乎以文公之言驗林隱之圖見者易曉卓然有補於世教矣矧今天子嘉惠斯文勉勵學校宣明教化東宮喜聽經書尊儒重道樂善好賢予以是知林隱之圖可以自見矣進之於朝非惟斯文之幸抑斯世之幸也故喜書而樂道之至大三年六月六日

索楠序曰象數可以圖言名意不可以圖言以圖言之其亦有所本乎昔者聖人觀象著圖因圖為書範圍發揮由書而始通則夫圖之秘非書不能以盡是書之明於圖者也後聖繼述遵文演圖器度物象之微剛柔善惡之應若天旋之默運於樞紐其不可以繪畫得之者猶因名以立義此圖之輔於書而不可廢焉者也二者之用各有先後合而言之者吾不知其說也自正心誠意之說興茫無畔岸朱子憂之遂

以其可據依者為之主而體用知行之說實切於學者之功用後百餘年五經廢棄遂復勦取其近似端坐塗飾而根柢原委悉不能攷禮主於敬理主於善一言以蔽講學之法糜爛而不可救矣新安程子見取論孟中庸大學之書切於吾身者析而為圖以輔翼朱子之教抑亦使夫人知為學之叙非字義之可盡條分目舉必有能篤行而親識之者斯足以盡夫斯道之要其勤且備可謂能矣昔真文忠公作讀書

記仁義性命之說各以類從先正肅公作書上之曰
使若書成學者將得以自肆今是書具在視今之言
理者與古賢無異論其所學則又甚於朱子之憂矣
予見之圖其必有以拯諸

薛瑄曰程復心四書章圖破碎義理愈使學者生疑
姓譜婺源人會輔氏黃氏之學而折衷之章為之圖
圖為之說名曰四書章圖總要

黃虞稷曰復心字子見取文公四書集注分章析義

各布為圖又取語錄諸書辨證同異損益詳畧名曰
纂釋至大戊申江浙儒學提舉司言於行省皇慶癸
丑行省進於朝特授徽州路儒學教授致仕給半俸
終其身

吳氏存四書語錄

佚

薛氏大猷四書講義

佚

姓譜湯陰人早中甲科棄而不仕隱居教授有四書

講義

戚氏

崇僧

四書儀對

二卷

佚

蕭氏

鑑

四書待問

八卷

存

鑑自序曰四書有疑朱門師友辨之詳矣而散出於其所自為書觀者難以歷覽未有合之者天朝取士以經疑為試藝之首蓋欲吾黨之士彊勉學問以求聖賢立言之微意而或者昧焉若大學道字訓言而以為道理之道性善賢愚同得而謂愚者得其偽博文約禮重在行而曰主於知詳說反約專言知而曰主於行亦既得雋鄉閭策名天府矣則眇迺眇之故也比客建城與友人歐陽養正讀書之次隨時采集

因成是編皆先儒之遺言緒論及時之不倍師說者
間亦附以一二鄙語及養正所述則以會纂自修別
之凡五百四十問一百一十七則以經之篇章為之
次目曰四書待問非敢擬諸叩鐘者以是待有司之
問焉則庶幾其應不匱比類而求之則凡經之所疑
皆可旁通而盡得之是書之集本為舉子觀覽之便
由是而得其義則於窮理盡性之功為尤大而於進
取又其餘事矣泰定甲子日南至

楊士奇曰四書待問八卷元臨江蕭鎰為科舉之學
設也元場屋有四書疑問國初三科猶然洪武甲子
始改為四書義

陸元輔曰蕭鎰字南金臨江人

歐陽氏仇四書釋疑

佚

黃氏清老四書一貫

四十卷

未見

一齋書目有

陳氏

剛

四書通辨

未見

黃虞稷曰字子潛溫州平陽人從胡長孺學人稱潛

學先生

王氏

桂

四書訓詁

未見

黃潛曰桂字仲芳東陽人麗水縣主簿

何氏 文淵 四書文字引證

九卷

未見

黃虞稷曰河南何文淵泰定間人

陳氏 尚德 四書集解

未見

黃虞稷曰寧德人號懼齋隱居不仕

按石堂陳氏字尚德亦寧德人不聞其號懼

齋或別是一人

瞻氏思四書闕疑

佚

祝氏克四書明辨

佚

涂氏潛生四書斷疑

未見

黃虞稷曰字自昭宜黃人福州濂溪書院山長

蔣氏立四書箋惑

未見

陸元輔曰東陽蔣玄字子晦別字若晦從許謙游學者私謚貞節先生

馬氏瑩四書答疑

佚

陳氏樵四書本旨

未見

吳氏 成大 四書圖

佚

王翬曰字浩然瑞安人登至治辛酉第官永嘉縣丞

傅氏 定保 四書講彙

未見

黃虞稷曰南安縣人平江路儒學

馮氏 華 四書直解

未見

黃清老曰畢字君重閩縣人南劍州儒學教授

倪氏士發四書輯釋

三十六卷

存

汪克寬序曰四書者六經之階梯東魯聖師以及顏
曾思孟傳心之要舍是無以他求也孟子沒聖經湮
晦千五百年迨濂洛諸儒先抽開發蒙以啟不傳之
祕而我紫陽子朱子且復集諸儒之大成擴往聖之

遺蘊作為集注章句或問以惠後學昭至理於皦日
蓋皦皦乎不可尚已而其詞意渾然猶經雖及門之
士且或未能究其精微得其體要矧初學之昧昧乎
近世儒者懼誦習之難於是取子朱子生平之所以
語學者並其弟子訓釋之辭疏於朱子注文之左真
氏有集義祝氏有附錄趙氏蔡氏有集疏纂疏相繼
成編而吳氏集成最晚出蓋欲博采而統一之但辨
論之際未為明備去取之間頗欠精審覽者病焉比

年以來家自為學人自為書架屋下之屋疊牀上之牀爭奇術異竊自附於作者之列鋟於木而傳諸人不知其幾益可歎矣同郡定宇陳先生雲峰胡先生睹集成之書行於東南輾轉承誤莫知所擇乃各摭其精純刊剔繁複缺畧者足以己意陳先生著四書發明胡先生著四書通考皆足以摩刮向者之敝而陳先生晚年且欲合二書而一之而未遂也友人倪君仲宏實從遊於陳先生有得於講廟授受者蓋稔

且詳乃會萃二家之說字求其訓句探其旨鵠俛精
要考訂訛舛名曰四書集釋學者由是而求子朱子
之意則思過半矣至正辛巳建陽劉叔簡得其本而
刻之後二年倪君猶慮其有未底於盡善者爰即舊
本重加正是視前益加精密間出是書請予序其所
以然者余竊以為書固不可不解解固不可不詳然
理貴玩索始有自得之功讀是書者苟不能沈潛反
覆求其義而反諸身而徒資口耳之用則非子朱子

所望於後學也倪君曰然乃序而書之以志卷顛云
楊士奇曰四書輯釋倪士毅編朱子集注四書之後
儒先君子推廣發明之者無慮數十家而今讀集注
者獨資集成及此書為多他不能悉得也集成博而
襍不若此書多醇少疵

薛瑄曰四書集注章句之外倪氏集釋最為精簡
黃虞稷曰士毅字仲弘休寧人授徒於黟學者稱道
川先生曾萃胡雲峰陳壽翁之說字求其訓句探其

旨鴈脩精要考訂記序

萬授一曰朱子集注既行當時儒者懼後學誦習之
難因各詮釋於是勉齋有通釋而米語錄附錄於大
學章句之下始自西山真氏名曰集義祝氏宗道四
書附錄倣而成之格庵趙氏有纂疏克齋吳氏有集
成定宇陳氏有發明雲峯胡氏有四書通仁山金氏
有指義由宋迄元不下數十家而義理明備米擇精
當莫如道川倪氏之輯釋道川元末人為陳定宇高

弟隱居新安與趙東山汪環谷為友明永樂間詔諸臣纂大全實本其書厥後大全行而學者罕知有輯釋矣

史氏

伯璿

四書管窺

五卷

未見

陳高序曰聖賢之言夫豈徒言而已哉道所存也故凡求道者不可不得其言不得其言而欲以明道

譬之適國而不由其途未有能至焉者矣然聖賢之於言也或近而指遠或約而義微大而無乎不周細而無乎不貫載諸方冊宏深簡奧而其理實具於吾心學者不可以易而觀之亦不可以僻而求之也夫以易而觀則鹵莽而疏畧以僻而求則穿鑿而牽附若是則日誦其言而不達其意其於求道也不亦遠乎孔曾思孟之書載道之書也自朱子為集注章句釋其義理要其指歸而其說大明於世其辭詳以密

其趣悠以長天下學士所共尊信至於受業私淑之徒又為之發其緒餘演繹增廣紛然間見而層出背而違者亦或有焉文日繁而辨日起歧愈多而道愈幽使讀之者不舍源而尋流則棄同而即異君子蓋病之也吾鄉鄉先生史君文璣苦求於學篤信堅守朱子之說反覆研究殆三十年遂取諸家纂輯之編而去取焉乖戾者折而闢之隱昧者引而伸之旁通曲暢著於簡牘名曰管窺抑可謂有功於朱子也已

嗚呼立意以為高好奇以為尚為學之大弊也管窺之作蓋為是與孟子曰博學而詳說之將以反說約也學者由是以明朱子之說然後自詳而反約以究聖賢之言則其為道也庶幾矣

楊士奇曰四書管窺四冊永嘉史伯璿文璣著蓋出饒氏輯講吳氏集成胡氏陳氏發明金氏攷證許氏叢說倪氏輯釋之後其論諸家之失皆平正確的刻板在永嘉郡學永嘉葉琮知黃州府又刊置府學

黃虞稷曰伯璿溫州平陽人元時隱居不仕辨諸家說之與朱子相悖者

韓氏

信同

四書標注

佚

馬氏

豫

四書輯義

六卷

未見

張萱曰馬豫四書輯義內閣所藏凡十四冊

汪氏

炎昶

四書集疏

佚

徽州府志汪炎昶字懋遠婺源人取朱子四書旁采博擇而發揮其微旨每有所得則疏之積成卷帙名

曰四書集疏

趙氏

遷

四書問答

一卷

未見

孟氏夢恂四書辨疑

未見

浙江通志孟夢恂字長文黃巖人署台州學錄至正中設策禦寇以功授宜興州判官卒謚康靖

謝鐸曰四書辨疑孟夢恂著

袁氏俊翁四書疑節

十二卷

未見

欽定四庫全書

曾氏貫四書類辨

佚

闕

邊氏昌四書節義

佚

盧熊曰昌字伯盛吳人隱居教授張氏據吳以禮招

致勿就

黃氏寬四書附纂

佚

楊氏維楨四書一貫錄

未見

亡名氏四書集注

未見

楊士奇曰右四書集注其句讀旁抹之法兼取勉齋
黃氏北山何氏魯齋王氏導江張氏諸本之長宣城

欽定四庫全書

經義考
卷二百五十五

張師曾為之參校加以音攷蓋善本也刊板在常州府學又刊板在鄞

四書附錄

十一冊

佚

張萱曰莫詳編次姓氏

經義考卷二百五十五

欽定四庫全書

經義考卷二百五十六

翰林院檢討朱彝尊撰

四書

五

朱氏

升

四書旁注

十九卷

存

蔣氏

允汶

四書纂類

未見

黃虞稷曰字彬夫永嘉人元進士洪武初官本府訓

導

陶氏宗儀

四書備遺

佚

王氏逢

四書通義

未見

黃虞稷曰逢字原夫江西樂平人師事洪野谷野谷

朱公遷弟子也宣德初逢以薦為富陽縣儒學訓導

又以明經辟召皆不就學者稱松塢先生

何氏

英

四書釋要

未見

黃虞稷曰英為王逢弟子

景氏

星

四書集說啟蒙

闕

論語孟子未見

星自序曰星幼承父命嗣儒業而苦無常師年十六

始得出就伯父黃先生學先生曰汝欲為學必先熟讀四書以為之本而後他經可讀矣星於是晝誦夜思不敢少惰居四年得初通大義後欲明經習舉子業先生又引星進郡庠俾受春秋經於勾乘楊先生一時師友切偲問辨資益為多復得諸引翼書為之啟發然後益知四書與義不可不窮矣故星不揆庸愚僭於佔畢之暇彙集諸說熟玩詳味分經別注妄加去取十年之內掇拾成編目之曰四書集說啟蒙

將私塾以訓子孫既而一二同志懼其久而墜佚使
壽諸梓以便初學顧星僭妄之罪已不可逭尚賴諸
明理君子重加訂正而可否之則星之志也至正壬
寅

姓譜景星字德輝餘姚人洪武中官杭州儒學訓導
其學長於春秋今惟四書啟蒙行於世

鄭氏濟四書講解

未見

黃虞稷曰濟閩縣人洪武中儋州學正

趙氏新四書說約

佚

黃虞稷曰新字彥明樂清人洪武中歷官布政使改

翰林院修撰致仕

葉氏儀四書直說

未見

張氏宣四書點本

未見

王氏廉四書詳說

闕卷

存

劉昌曰四書詳說蘇州知府況公鍾刻於府庠袁鉉
作序以為王廉熙陽作言熙陽丞澠池時稿留曹端
家刻既成其書四出端為霍州學正移文於蘇言四
書詳說乃其所著孟子中有其訂定白馬之白一段

欽定四庫全書

經義考
卷二百五十六

又言熙陽已坐刑不當有著書之名熙陽為山西左
布政使以公事死無害其為著書也端辨四書詳說
為其所著可也言熙陽坐刑不當有著書之名非也
陸元輔曰文王演易於羑里史遷作史於腐刑郝經
傳春秋於拘繫所洪武中葉子奇亦於獄中撰草木
子著書與坐刑初不相妨也月川遺書行世頗有當
還熙陽之名

冉氏庸
四書精華

佚

張氏

洪

四書解義

二十卷

未見

黃氏

鼎

四書精義

未見

劉氏

醇

四書解疑

四卷

未見

朱氏

謚

四書述義

未見

胡氏

廣

等四書大全

三十六卷

存

明成祖文皇帝御製序曰朕惟昔者聖王繼天立極
以道治天下自伏羲神農黃帝堯舜禹湯文武相傳

授受上以是命之下以是承之率能致雍熙悠久之
盛者不越乎道以為治也下及秦漢以來或治或否
或久或近率不能如古昔之盛者或忽之而不行或
行之而不純所以天下卒無善治人不得以蒙至治
之澤可勝歎哉夫道之在天下無古今之殊人之稟
受於天者亦無古今之異何後世治亂得失與古昔
相距之遠絕歟此無他道之不明不行故也道之不
明不行夫宣道之病哉其為世道之責孰得而辭焉

夫知世道之責在己則必能任斯道之重而不敢忽
如此則道豈有不明不行而世豈有不治也哉朕繼
承皇考太祖高皇帝鴻基即位以來孳孳圖治恒慮
任君師治教之重惟恐弗逮竊思帝王之治一本於
道所謂道者人倫日用之理初非有待於外也厥初
聖人未生道在天地聖人既生道在聖人聖人已往
道在六經六經者聖人為治之迹也六經之道明則
天地聖人之心可見而至治之功可成六經之道不

明則人之心術不正而邪說暴行侵尋蠹害欲求善治烏可得乎朕為此懼乃者命儒臣編修五經四書集諸家傳注而為大全凡有發明經義者取之悖於經旨者去之又輯先儒成書及其論議格言輔翼五經四書有裨於斯道者類編為帙名曰性理大全書編成來進總二百二十九卷朕間閱之廣大悉備如江河之有源委山川之有條理於是聖賢之道粲然而復明所謂考諸三王而不謬建諸天地而不悖質

諸鬼神而無疑百世以俟聖人而不惑大哉聖人之
道乎宜得而私之遂命工悉以鋟梓頒布天下使天
下之人獲覩經書之全探見聖賢之蘊由是窮理以
明道立誠以達本修之於身行之於家用之於國而
達之天下使國不異政家不殊俗大回淳古之風以
紹先王之統以成熙皞之治將必有賴於斯焉遂書
以為序永樂十三年十月初一日

楊榮後序曰太宗文皇帝臨御之日宵旰孜孜誕興

文教以斯道為己任萬幾之暇嘗與儒臣論議以為
四書雖有宋儒朱熹為之集注以便學者然而羣儒
之說頗有異同純駁不一至今幾三百餘年紛紜雜
糅莫知適從茲欲會而通之去其駁而錄其純庶幾
聖賢之道昭然大明臣榮忝居侍從恭奉德音敢不
敬承謹識四方學者彙以成編上親商榷以定去取
書成特賜名曰四書大全書即以頒布天下學校凡從
事於聖賢之學者莫不欣焉若披雲霧而仰青天若

剪荆棘而尋大路坦然無疑釋然有悟誠萬世之寶也予鄉建陽葉添德氏家素崇文而好學博雅間於庠序得覩此書遂求抄錄鋟諸梓以廣其傳乃以書來京師請予言識之夫奉揚上之盛德美意以昭示於無窮者人臣之事也昔太宗文皇帝惓惓纂輯是書以嘉惠天下後世有功於聖門大矣然而添德以民間之傑者乃能廣播而盛傳之此其所以超於衆人者豈不遠哉是可嘉也因拜手以識於後

顧炎武曰自朱子作大學中庸章句或問論語孟子

集注之後黃氏

幹字直卿號勉齋先生

有論語通釋而采語錄

附於朱子章句之下則始於真氏

德秀字希元號西山先生

名曰

集義止大學一書祝氏

洙字宗道

乃倣而足之為四書附

錄後有蔡氏

模字仲覺號覺軒先生

四書集疏趙氏

順孫號格菴先生

四書纂疏吳氏

真子號克齋先生

四書集成昔之論者病其

泛濫於是陳氏

櫟字壽翁號定宇先生

作四書發明胡氏

炳文字仲

虎號雲峯先生

作四書通而定宇之門人倪氏

士毅字仲弘號道川先生

合二書為一頗有刪正名曰四書輯釋有汪克寬序
至正丙戌自永樂中命儒臣纂修四書大全頒之學
官而諸書皆廢倪氏輯釋今見於劉用章刻所刻四
書通義中永樂中所纂四書大全特小有增刪其詳
其簡或多不如倪氏大學中庸或問則全不異而間
有舛誤至春秋大全則全襲元人汪克寬胡傳纂疏
但改其中愚按二字為汪氏曰及添廬陵李氏等一
二條而已詩經大全則全襲元人劉瑾詩傳通釋而

改其中愚按二字為安成劉氏曰其三經後人皆不見舊書亦未必不因前人也當日儒臣奉旨修四書五經大金頒餐錢給筆札書成之日賜金遷秩所費於國家者不知凡幾將謂此書既成可以章一代教學之功啟百世儒林之緒而僅取已成之書抄謄一過上欺朝廷下誑士子唐宋之時有是事乎豈非骨鯁之臣已空於建文之代而制義初行一時人士盡棄宋元以來所傳之實學上下相蒙以饗祿利而莫

之間也嗚呼經學之廢實自此始後之君子欲掃而更之亦難乎其為力矣

張氏

文選

四書訓解

佚

王瓚曰張文選字士銓永嘉人永樂丙戌進士改庶

吉士

郭氏

恕

四書一得

佚

陸元輔曰永樂甲午舉人

楊氏範四書直說

未見

寧波府志楊範字九疇鄞人永樂中教授里中自號
思誠叟侍郎守陳之祖也

張氏楷四書稊

佚

寧波府志張楷字式之慈谿人永樂甲辰進士南京

都察院僉都御史

楊氏

琦

四書辨疑

未見

黃虞稷曰琦建安人正統中温州府學訓導

周氏

灝

四書精解

四卷

未見

黃虞稷曰灝邵武人景泰中舉人松江府同知

李氏果四書音考

未見

廣平府志李果字尚用成安人景泰庚午舉人濟南

知府

楊氏守陳四書私抄

關卷

存

沈氏琿四書口義

未見

平湖縣志沈肆字公貴景泰辛未進士任御史

周氏

賓

四書音考

未見

黃虞稷曰賓字汝欽江西安福人天順甲申進士

董氏

彛

四書經疑問對

八卷

未見

繆泳曰常熟人成化壬辰進士

蔡氏清四書蒙引

十五卷

存

清自序曰國家以經術造士其法正矣第士之所以
求於經者淺也蓋不務深於理而徒務辨於文文雖
工術不正而行與業隨之矣舉子業之闕世道也有
如此清之始業是也自謂頗知所用心者故有三年

不作課而無三日不看書間以其所窺見者語諸同
儕要亦未能脫時文氣味也然已見訝為迂遠而厭
聽之矣清乃隨時自筆之以備遺忘庚子歲赴會試
收置行囊既而冗中翻目遺之至京撿覓不得意其
失之途中矣時方溫故遂復有錄更三閱歲故錄復得
之家中參會前後所錄詞意重複者過半又有前後異
見至一句而二三其說者皆未暇刪次也祿仕多年
故紙宛然而比日後生輩知而求之特切欲終棄置

則一得之見或有資於童蒙欲俟刪正則溫故之功
又非旬時可辦姑畧會而次之先翦去其最冗穢無
謂者其諸凡近似有理之言皆且存之以俟他日溫
故之餘得加汰削乃就有道而正焉名曰蒙引初槩
明非定說也四書及易經諸卷槩有之今已謄出大
學中庸二部及乾坤二卦張國信輩借抄因道其故
以示之

刁包曰尚論諸儒必以四書為標準四書無所得雖

經史淹貫不可以為學也自金谿以迄姚江凡學其學者莫不厭薄朱注肆意妄解其於四子書穿鑿決裂甚矣大全而後惟蔡文莊蒙引專以發明朱注為主注者四書功臣蒙引又朱注功臣也

陸元輔曰蔡介夫上推孔曾思孟本旨發明朱子集注最為詳明說四書者不下百種未有過於此者也

王氏雲鳳四書私記

未見

吳氏璉四書訂疑

未見

朱氏綬四書補注

三卷

未見

潘氏府四書傳注正

未見

周氏寅四書音考

佚

嘉善縣志周寅字汝欽學於周鼎安貧守義著小學

集注四書音考

廖氏紀四書管闕

二卷

未見

童氏品四書旁訓

未見

劉氏龍四書講義

四卷

未見

黃虞稷曰襄垣人弘治己未進士第三人歷官南京

吏部尚書贈太子太保謚文安

湛氏若水古本四書訓測

十九卷

存

熊氏熙四書管天

佚

馮氏理四書發微

佚

丁氏徵四書講義

佚

王氏侗四書批點

十八卷

未見

顏氏暉四書證疑

未見

上虞縣志暉字文華正德丁卯舉人澁江知府

呂氏栴四書因問

六卷

存

王氏大用四書道一編

欽定四庫全書

經義考
卷二百五十六

十七

未見

王氏

漸遠

四書邇言

未見

史氏

于光

四書解

未見

林氏

希元

四書存疑

十二卷

存

鄭氏_佐四書語錄

佚

陳氏_琛四書淺說

十三卷

存

盧元昌曰淺說者紫峯陳先生之所著也合蔡虛齋之蒙引林次崖之存疑折衷而取裁焉而大旨則以

大全為宗

欽定四庫全書

季氏本四書私存

未見

高氏尚賢四書精意

佚

繆泳曰新鄭人正德丁丑進士

周氏華四書集說

十六卷

存

李廷昱曰莆田周華編長樂林文沛補文沛中正德

丁丑進士

陶氏

廷奎

四書正學衍說

八卷

存

張士紘曰其子幼學刊行之

董氏

穀

碧里疑存

二卷

存

鄭珣曰碧里疑存二卷皆說四書

經義考卷二百五十六

欽定四庫全書

經義考卷二百五十七

翰林院檢討朱彝尊撰

四書

六

徐氏

獻忠

四書本義

未見

唐氏

樞

四書問錄

二卷

欽定四庫全書

經義考
卷二百五十七

未見

陳氏

祥麟

四書正蒙

未見

黃虞稷曰字士行莆田人嘉靖丙戌進士歷官山東

提學道

朱氏

潤

四書通釋

未見

黃虞稷曰潤字伯羽益都人嘉靖丙戌進士寧波府

同知

廖氏暹四書測

未見

陸氏鰲四書標指

未見

平湖縣志陸鰲字子任嘉靖戊子舉人臨江府通判

黃氏光昇四書紀聞

未見

欽定四庫全書

經義考
卷一百一十五

二

薛氏甲四書正義

十二卷

未見

薛氏

應旂

四書人物考

四十卷

存

應旂自序曰四書人物考者考四書所載之人物也
孟氏曰誦其詩讀其書不知其人可乎夫是以考之

也余嘗董浙學政既罷歸避寇鍾山故廬盡為寇燬
惟茲四書每攜以自隨杜門無事遂將平生所錄古
人行迹各注於名氏之端者編為紀傳總四十卷其
汎引雜証雖嘗刪次而文章事行苟有裨於問學治
理者咸在所錄信而好古仲尼且然小子何人未能
網羅舊聞以資詳擇尚忍易為棄置哉

陸元輔曰書分帝紀三卷臣傳三十七卷

闕

傳二十

八卷後逸民獨行異字技藝勇力嬖倖女婦讒毀叛

逆凡九類

馬氏森四書口義

未見

梁氏格四書古義補

未見

黃虞稷曰字君正稷山人嘉靖乙未進士南京兵科

給事中

濮陽氏涑四書貞義

未見

王氏

復春

四書疑畧

未見

莫氏

如忠

四書程朱繹旨

未見

繆泳曰華亭人嘉靖戊戌進士

王氏

材

四書石堂附語

未見

江西通志王材新城人嘉靖辛丑進士改庶吉士官

太常寺卿掌國子監祭酒事

高氏拱四書辨問錄

十卷

存

李氏遜四書質疑

佚

繆泳曰李遜字子敏新建人嘉靖甲辰進士歷官廣

東按察副使提督學政

張氏

居正

四書直解

二十六卷

存

陰氏

東陽

四書贅說

六卷

又自訓
歌一卷

未見

黃虞稷曰衛輝人嘉靖丁未進士陝西參政

李氏先芳四書漢注疏引

未見

王氏樵四書紹聞編

未見

羅氏汝芳四書一貫編

七卷

存

孫氏應鰲四書近指

七卷

存

李廷昱曰孫氏近語自為之序又有李萊楊一魁序

二篇

徐氏嶺四書初問

十五卷

關

論語孟子
子未見

繆泳曰太倉州人嘉靖癸丑進士

丘氏梅四書摘訓

二十卷

存

劉應節曰月林丘氏取蔡氏蒙引林氏存疑二書而折衷以己意名曰摘訓

黃氏襄四書集說

未見

黃虞稷曰福建南安人嘉靖己未進士山西行太僕

寺卿

李氏

文繼

四書口授

未見

薛氏

東海

四書解醒

佚

楊氏

時喬

四書古今文注發

九卷

存

管氏大勲四書三說

三十卷

未見

黃虞稷曰鄞縣人嘉靖乙丑進士官至南京光祿寺卿輯蒙引存疑淺說而加以折衷

萬氏表四書參考

未見

寧波府志萬表字民望世為寧波府指揮魚事歷官

南京中府都督僉事嘗取先儒之言集其要語名曰

四書參考

蘇氏

滿

四書通考補遺

六卷

未見

李氏勢李氏說書

九卷

存

徐氏

渭

四書解

未見

章氏

一陽

金華四先生四書正學淵源

十卷

存

蕭陽復序曰諸儒之說至晦庵始集其成勉齋黃氏
親受業於朱子之門金華何文定先生雖後朱子生
而口傳心受得之勉齋自是而傳之王文憲金文安

許文懿僅二百年間四先生踵武相承凡四子之書
悉為之注疏闡其微詞奧義以翊朱注國朝採集大
全書中邇其淵源所自謂非朱氏之適傳不可也今
四先生生於一郡相繼而興所謂文不在茲乎然世
代既遠遺書散逸元江章先生乃裒而輯之章分句
釋以附於朱注而傳注益以顯則先生之用心亦勤
矣先生司訓於漳紹乃祖楓山之家學殆聞四先生
之風而興起者乎吾於是益信茲郡之多賢也敬為

之序

金氏瑶四書疑

一卷

存載栗齋集

陳氏禹謨經言枝指

九十三卷

存

支可大曰海虞陳錫玄著經言枝指以發明四籍曰

陳詒纂曰談經苑曰引經釋曰人物概曰名物考凡五種總統千載之述作旁羅百氏之異同而兼傳並載以俟學者之自擇

李延昱曰海虞陳錫玄早中鄉科久而不第歸撰經言枝指於時支可大間亭劉鳳子羽屠隆緯真江盈科進之黃汝亨貞父王穉登伯穀管一德士恒皆序之已有自序

按諸序文多冗長故不錄

林氏

兆恩

四書正義

六卷續六卷

存

劉氏

元卿

四書宗解

八卷

未見

沈氏

懋嘉

四書說槩

未見

平湖縣志懋嘉懋孝之弟號白岩

趙氏

台鼎

四書脈望

九卷

未見

陳第曰蜀人

樊氏

問仁

四書心旨

佚

南陽府志問仁舉於鄉官知州

李氏經綸四書浴鑑篇

未見

程氏嗣光四書講義

十卷

未見

楊氏世恩四書訓錄

四卷

未見

朱氏篁 四書啟鑰

九卷

未見

鄭氏維嶽 四書知新日錄

三十七卷

未見

張氏綸 四書原

未見

欽定四庫全書

經義考
卷二百五十七

陸元輔曰汶上人

王氏覺四書明旨

二卷

存

饒氏翼四書輯訓

未見

陸元輔曰翼字任中撫州人

陳氏履祥四書翼

五卷

未見

管氏一德四書參同

十卷

存

李延昱曰一德字士恒其書陳禹謨為之序

朱氏焯注解四書人物考

八卷


欽定四庫全書

經義考
卷二百五十七

十三

未見

邵武府志朱焯字惟盛人稱志庵先生



經義考卷二百五十七

欽定四庫全書

史部

經義考卷二百五十八至
六十

詳校官編修_臣李堯棟

編修_臣程嘉謨覆勘

總校官知縣_臣繆琪

校對官編修_臣勵守謙

謄錄監生_臣懃意誠

欽定四庫全書

經義考卷一百五十八

翰林院檢討朱彝尊撰

四書

姚氏存四書疑問

十一卷

存

周氏存四書宗旨

卷二
五
八
未見

黃虞稷曰嵯縣人萬歷丁丑進士

鄒氏

元標

四書講義

二卷

存

楊氏

起元

四書評

五卷

未見

蘇氏潘 四書鏡

未見

王氏豫 四書識大錄

未見

錢氏大復 四書證義合編

四卷

存

高層雲曰漸菴錢公字肇陽萬厯己卯舉人以子大

欽定四庫全書

經義考
卷二百五十八

二

學士龍錫貴贈官至太子太保證義一編晉江黃居

中序之

于氏

孔兼

四書大指

十二卷

未見

繆泳曰孔兼金壇人字景素萬厯庚辰進士以禮部

郎疏救趙南星降安吉州判官投牒歸是書謫居安

吉時所撰

李氏

廷機

四書垂世宗意

十卷

存

四書口義

三卷

存

徐氏

即登

四書正學輯要

二十九卷

欽定四庫全書

經義考
卷二百五十八

未見

牛氏

應元

四書質言

三卷

未見

黃虞稷曰涇陽人萬厯癸未進士歷官右僉都御史

巡撫南贛

盧氏

一誠

四書講述

十一卷

存

高兆曰盧一誠字求人福清人萬厯癸未進士除行人歷司正遷南京戶部郎中終潮州知府講述一編係在留都時撰

馮氏

從吾

四書疑思錄

六卷

存

從吾自序曰予自壬辰請告杜門謝客足未踰閩者

三年自藥裏外惟以讀書遣懷無他營也間有二三同志及伯兄夜過存相與講孔曾思孟之學辨析疑義嘗至漏分或撫琴一曲或歌詩數首始別蓋忘其身之病而亦忘其寒暑之屢更也居恒多暇乃取所辨析者口授兒康年札記之鍼砭韋弦聊以自勗歲月積久不覺成帙要之遺忘不及記者尚多此特存什一於千伯云耳編成題曰疑思錄蓋取九思中疑思問意耳萬歷乙未

楊嘉猷曰先生力排異端於四子書以身證之錄中大都悟後語如曰一本大學都是格物不必另補一傳曰論語論工夫不論本體論見在不論源頭中庸則合併言之曰學而時習之孔子不曾說出所學何事孟子曰學問之道無他求其放心而已矣是其解也曰志伊尹之志須從一介志去學顏子之學當從四勿學來諸如此類皆發先儒所未發足破千古之疑者也夫能破千古之疑必自一念之能疑始疑而

思思而信故曰思者明之基疑者信之漸也

李因薦曰先生字仲好長安人萬厯丙戌進士官至
右副都御史疑思錄六卷載少墟集中

郝氏敬四書攝提

十卷

存

敬自序曰漢官尚書猶北斗也口代天言如北斗斟
酌元氣布令四時也聖人繼天立極神道設教垂訓

萬世庸詎非天之尚書北斗歟按天官北斗為帝車
運於中央均五氣定諸紀杓攜龍角兩旁各三星鼎
立杓所指四時以建是為攝提元命包曰提斗攜角
以接於下也聖言猶斗杓也奉聖言以昭布天下萬
世咸正罔缺猶攝提也論語孟子二書為斯文指南
先儒益以大學中庸為四書明興立學官以程士辭
林義府三百年来家誦戶習迄於今聖遠教湮訓詁
河漢學業參商百家熒惑佛老櫬槍甚乎飛流如雨

而北斗闢於中天恒度不改今猶古也余束髮受讀
晚從管穴窺一星之光輒隨筆書記久塵度閣友人
章晦叔取以編為時習新知余畏聖人之言別為一
札命曰四書攝提蓋惟聖人為能總攝羣言提轄百
氏予何人斯敢以蟲鳴蝻午其間惟是對揚光訓俾
昌俾熾以宣布於無窮所為提斗攜角以接於下者
則可謂云爾已矣

四書雜言

五卷

存

敬自序曰宋儒取禮記大學中庸配論語孟子為四書國朝用以程士家傳戶誦矣今與人言道未必領言四書有徵可信遂廣其說非為離經耳昔人謂依經辨理錯經合異是謂雜言

萬氏 尚烈 四書測

一卷

存

王氏肯堂四書義府

關卷

存

史氏記事四書疑問

五卷

未見

林氏茂槐四書正體

五卷

未見

黃虞稷曰福清人萬厯乙未進士歷官按察使

孫氏

奇逢

四書近指

二十卷

存

樊氏

良樞

四書參解

五卷

存

載密卷
夢言

良樞自序曰參於古之謂參參於師友之謂參參於
獨見之謂參兩人相商之謂參兩書相證之謂參易
曰參天倚數必參之而數可極也又曰參伍以變必
參之而變可通也荀卿曰窺敵制變欲伍以參韓非
曰參之以比物伍之以合參說參莫辨於此矣然必
如中庸之天地參而後謂之參吾所謂參與聖賢參
之謂也參則解矣今之讀書本直也而曲解之本易

也而僻解之本深也而淺解之有甚不費解而終身
索解不得者有強作分解而究竟不知其解者所由
不自參照之故也

四書辨證

二卷

存

載密菴
夢言

良樞自跋曰六書文字之繇也繇象形而有點畫繇
指事而有文義繇會意而有訓解繇諧聲而有句讀

繇轉注而有注釋繇假借而旁通曲暢不可勝窮矣
迨書法屢變而點畫失真遂至文義乖而訓解謬句
讀差而注釋舛學士口受於蒙師文人牽滯於文義
茫茫白首漫漫長夜良可歎也五經皆有誤而詩書
為甚四書各有譌而論語尤多今畧舉文義之乖訓
解之謬注釋之舛者辨數十條或以古證或以義求
或以意逆或以理解或以思通不能闕前人之所疑
庶幾敏求聖賢之精意要以自信於心求協於經抑

亦信古之一端學文之首助也若夫句讀之訛點畫之差音切之誤姑俟詳考以就正於君子焉

毛氏

尚忠

四書會解

十卷

存

周炳謨序曰注疏以還自朱子章句出而四書之旨已大明於天下明興諸先輩出或竟其所已言或闡其所未備羽經翼傳於道多發明焉迄於今焚錯不

可勝紀蘇子云人之性善惡二者而已孟子既已據其善是以荀子不得不出於惡而揚子不得不出於善惡混噫嘻今之人好異也大率類是此司世教者所為憂也予同年友子亮毛子研精於學嘗輯會解一書其中自悟自信之語十三用前人之語十七間有兩解而互發者亦竝存之而不嫌於異同也子亮令棗強北方學者爭傳誦焉子亮因梓以行屬余序之

繆泳曰毛尚忠字子亮嘉善人萬曆甲辰進士知棗
強縣事輯四書會解刊於官舍

陳氏

臣忠

四書集意

一作
說約

八卷

存

繆泳曰臣忠字心謙莆田人萬曆甲辰進士

莊氏

元臣

四書覺參符

二十卷

存

鄭珣曰歸安莊氏元臣萬厯甲辰進士官中書舍人
元臣吳江人以歸安籍登第

張氏京元寒燈隨筆

三卷

存

陸元輔曰鍾山張氏京元泰興人萬厯甲辰進士歷
官四川按察副使寒燈隨筆三卷皆講說四子書

施氏

鳳來

四書攜囊集

未見

平湖縣志施鳳來字羽王萬厯丁未賜進士第二人累官少師兼太子太師吏部尚書中樞殿大學士

陸氏

鍵

四書傳翼

未見

來氏

斯行

四書問答

一卷

未見

繆泳曰蕭山人萬厯丁未進士

殷氏大白四書副墨

佚

宋氏鳳翔四書證學錄

十三卷

存

俞汝言曰鳳翔字羽皇秀水人萬厯壬子北闈解元

鹿氏善繼四書說約

闕卷

未見

陸元輔曰公字伯順定興人萬曆癸丑進士官太常寺少卿殉難贈大理寺卿

洪氏啓初四書翼箋

九卷

存

高兆曰洪啓初字葆原泉州南安人萬曆癸丑進士

除戶部主事調兵部

黃氏尊素四書鍼

八卷

存

餘姚縣志公字真長萬曆丙辰進士由寧國推官入
為山東道御史劾魏忠賢死詔獄贈太僕寺卿謚忠
端

吳氏

繼仕

四書引經節解圖

二十六卷

未見

黃氏

智

四書講義

佚

休寧名族志智撰四書講義二百篇

唐氏

汝諤

四書微言

二十卷

存

陳氏榮選四書私旨

未見

陸元輔曰字克舉同安人健之孫

許氏有聲四書獨證

二十卷

存

趙南星曰棗強諸生

姚氏

光祚

四書望洋編

二十卷

存

陸萊曰吳人姚光祚字肩昌輯四書望洋編二十卷
有解經邦張養心張尊美夏嘉遇沈麟堵天顏張垣
序七篇其文蕪漫不足行

王氏

廷燿

四書音釋

一卷

存

嚴繩孫曰字幼翰一字君渡無錫人

馬氏

廣軫

四書讀 四書提鉤

未見

平湖縣志馬廣軫字飛生家貧教授門人私謚曰端

敏先生

張氏

嘉猷

四書不倦錄

未見

張氏嵩四書說乘

六卷

未見

鄭珣曰張嵩字曼石海寧人

商氏惠四書問答

二卷

未見

陸元輔曰金華人

陸氏

弘銘

四書彙解

四書演注

未見

姚氏

子鳳

四書粹言

未見

李氏

竑

求己齋說書

四卷

存

竑自序曰古今人之不相及也吾知之矣古之學者

為已今之學者為人古之學者謀道今之學者謀祿
其相爭在鍼芥之微而相去之遠不啻如秦越也故
自孔孟以後世人相沿以為學者大都名利之借徑
而已夫何世愈降而人所以射名利者益巧收名利
者益捷應制者不必談文章立朝者不必談經術而
惟鑽穴登壟之是騫則夜氣不足以存故至此極耳
嗟夫上之所懸為功令者既如此下之所走為便徑
者復如此思古人所謂學者必更有在乃覺真然若

失於是計其平日受之過庭傳之師友錯綜於載籍
及海內諸名家凡若干言手授之以見學問之道由
此而始非曰應世云爾也

韓氏

宗琦

四書庭訓

未見

廣信永豐縣志韓宗琦字汝震諸生

張氏

睿卿

四書釋義

十卷

未見

四書語錄

一卷

未見

張氏維機四書永業

十九卷

存

高兆曰晉江張維機晦中撰

卷二百五十八

潘氏

游龍

四書申注

十四卷

存

繆泳曰游龍松滋人

經義考卷二百五十八

欽定四庫全書

經義考卷二百五十九

翰林院檢討朱彝尊撰

四書

陳氏

仁錫

四書語錄

一百卷

未見

四書析疑

十卷

未見

四書備考

八十卷

存

華氏

允誠

四書大全纂補

未見

魯氏

論

四書通義

十卷

未見

建昌新城縣志魯論字孔壁天啓辛酉選貢生除潁
州同知遷福建都司經歷

譚氏

貞默

四書見聖編

一百闕卷

存

高佑紀曰先生為予外舅勤於著述五經皆有解詁

惟四書見聖編鏤板白門以論語中庸大學為孔經
謂中庸大學皆子思所作也以孟子七篇為孟經

張氏

薄

四書纂注大全

三十七卷

存

葉氏

樹聲

四書徵響

未見

長興縣志葉樹聲號瞻山字唱于崇禎辛未進士

申氏嘉脩四書鐸

闕卷

未見

陸元輔曰公字孔嘉永年人崇禎辛未進士知儀封
杞二縣擢吏部主事謫南京國子監博士陞太僕寺
丞甲申三月都城陷投井死

楊氏以任四書遺旨

六卷

存

曾傳燦曰公諱以任字維節號澹餘瑞金人崇禎辛未進士四書遺旨六卷官南京國子博士時作西安鄭如洵刊行之

陳氏

天定

慧眼山房說書

二十卷

存

張遠曰天定字惠生龍谿人崇禎辛未進士

張氏

爾禎

四書事實

未見

保定府志張爾禎字玉屏容城人崇禎癸酉舉人著

四書事實孫奇逢序之

黃氏

淳耀

四書大旨

六卷

存

右見之吳興書賈舟中

徐氏養元四書集說

二十四卷

存

陸元輔曰唐山人崇禎癸未進士

徐氏學顏四書日衷

未見

黃虞稷曰公字石松永康人國子監生官楚府長史

崇禎十六年死張獻忠之難

易氏道暹四書內外傳

未見

陸元輔曰道暹字曦侯黃岡諸生崇禎壬午死寇難

侯氏君擢四書膚見

未見

李氏鳳翔四書釋義

未見

保定府志李鳳翔字伯鳳東鹿人

賈氏

明孝

四書救弊編

未見

開封府志賈明孝字君錫由明經任陝西宜川知縣

張氏

雲鶯

四書經正錄

未見

黃虞稷曰無錫人專闢李贄之說崇禎三年以其書

進呈得旨褒嘉準作貢生

徐氏

邦佐

四書經學攷

十一卷

存

繆泳曰邦佐字孟超錢塘人

楊氏琦四書辨疑

閩卷

未見

陸元輔曰建安人陽春訓導改溫州

陳氏鵬霄四書續經學攷

六卷

存

祁熊佳序曰高皇帝龍飛之初召儒士許元葉瓚十
餘人日令二人進講經筵敷陳治道命王宗顯開郡
學延葉儀宋濂為五經師時喪亂之餘學久廢至是
始聞絃誦之聲右文崇學斯亦勤矣減吳之歲設科
取士大意則曰察之言行以觀其德考之經術以觀
其業試之書算以觀其能策之經史時務以觀其政

事洪武三年復定為科舉格然則我朝養士之厚取
士之周雖三代盛王豈有過歟及文皇帝登極命諸
儒臣彙輯十三經注疏性理大全諸書頒行天下一
時儒者皆棄詩賦歌辭之學而知有聖賢性命之書
夫上以此求之而下不以此應之必無之事也風會
遷流制沿弊起父兄所教子弟所習非時文不為工
而於國初頒行諸書高束不讀今天子下明詔黜浮
靡敦實學孔孟程朱之理稍表著於天下故習刑名

農墨黃老之言者變而習兩漢諸史唐宋諸大家又
上而習五經四書諸儒傳注然予謂兩漢諸史唐宋
諸大家與刑名農墨黃老之言其文有工拙詭正之
不同而其於聖賢之理離合亦相半至習五經四書
諸儒傳註之言醇矣而苟非學有源本亦豈遂足以
應明詔而無負所謂黜浮靡敦實學者乎昔王荊公
毅然以斯文為己任往見周茂叔三顧不見反而求
之六經乃卒以泥古變法流毒蒼生則使當世而有

尊經學古如荆公者猶非天子下詔求賢之意況尊
經學古更有不及荆公者乎吾友天羽不憚披覽考
訂之勞續四書經學考編類點定欲學者習其讀則
核其詳顧其名則究其實俾我朝收右文崇學之報
而儒者所為尊經學古由乎此而不盡由乎此也伊
川曰有詞章之學有訓詁之學有聖賢之學儒者宜
審所以自處矣

楊氏_吳四書大全節要

未見

顧氏夢麟四書十一經通考

二十卷

存

四書說約

二十卷

存

楊彝序曰往予嘗為四書大全節要與麟士多所商

權塗乙纔數卷其後麟士說約繼作始戊寅秋至庚辰夏而其刻遂成或訝其太速予曰否凡為一書而增難出入無定論者皆先無成竹於胸中耳麟士誦說既素則於論議得失引據正反固一一得見其要害而或棄或取無所更端矣且其辨證精析雖貫穿羣經而窮究指歸則斷以晦翁為正理務畫一而筆削所至皆本平生所見而為之此所以易而復至慎也今取其書覆之則覺注疏大全鄭孔程朱而下人

代分矣而條貫繩約則如出一口不皆麟士之書而
乃為麟士之書矣

宋氏

繼澄

四書正義

二十卷

存

繼澄自序曰四書講義不可數計近吾友顧麟士為
說約張爾公為大全辨取舍前人每見精確予亦有
所見因成四書正義一編自注疏以下麟士爾公以

上皆採擇焉

倪氏

晉卿

四書大全纂

開

卷

存

葛氏

承杰

四書新義

未見

張氏

自烈

四書大全辨

三十六卷

存

劉城曰爾公即四書大全而為之辨導揚程朱之言
折衷諸家之說務求至當以合經旨其言曰聖人之
教人也甚無取乎一說爰有異同予讀書而有疑焉
則質之質之不得則思之思之不得則又反覆讀焉
著為說以解之研慮問答若有辨焉者其實以存吾
疑而已蓋爾公之意如此

吳應箕序曰明興以禮樂文章治天下而所以造士

者非聖人之道無取夫聖人之道六經其燦然者矣
其最精微莫如四子之書於是表章四書專取朱注
行之謂漢唐以來能折衷聖人之道使微言大義不
為異端邪說所亂者莫朱子若也乃當時秉國者受
成祖文皇帝命有四書大全之輯豈非以聖人之道
大即朱子有未盡則羣儒之說奈之何其盡廢也予
嘗取其書究之其中有所發明者固多醇疵未嘗不
相半至其與聖道相戾者復不少抑何歟豈非當時

承旨者但取成書不暇精擇又時日不給所委而分
彙者多小生豎儒識未遠與今習者第謂此成祖皇
帝頒行之書有敢議論其間者是倍上也殊不知不
然哉國家之制行之久而當否見則夫論說之是非
亦未有不久而愈明者也既是非較然矣徒以創於
更制之難而併我聖祖闡揚聖道造進學士之意寢
以微失此又誰之過歟於是袁州張子獨憂之於數
百年後歷朝諸人所不敢異議者取其說之疑者辨

之此亦黼黻聖治之大端也崇禎乙卯

陸元輔曰自烈字爾公江西人以大全成於明初督
促而成擇之不詳故辨之時論以其立異毀其所鏤
板然亦有失有得也

吳氏蒼舒四書圖攷

未見

吳應箕序曰古人讀書左圖右史圖之傳也尚矣經
圖自鄭玄王弼而下代不乏人至宋儒以後而大備

以予所聞有論語圖纂二卷及程復心四書纂圖釋
二十二卷恨未及見意嘗欲集古圖衍之定為一書
而未暇甲戌春過新安丹山聞有吳蒼舒先生者精
經學攝衣請啓得聞所未聞先生因出其夙所撰著
相示則有四書節解圖攷在焉予周覽之其圖攷精
核視昔人加詳而所解釋則一根正經衷於程朱之
說觀於是而知先生之學有功先聖其可傳無疑也
先生棄官著書將四十年貲鉅萬以是廢布衣蓬戶

屏絕外營其行義無愧古儒者所著七經圖攷聲音
紀元三禮正定注疏皆翼經明道諸書予將與從孫
子含去非謀使次第行世而今為先序其概云

史氏

以徵

四書彙解

四十卷

存

陸元輔曰以徵曾受業於楊解元廷樞故其言折衷
諸家歸於純正

白氏翔四書羣言折衷

二十卷

存

楊彛曰折衷繫注於書文之下又分注羣言於注之後溯流窮源頗不易也

顧宸曰大全蒙引存疑均有功於後學然或彼是而此非或此詳而彼畧或互相牴牾而莫識統歸或微示異同而愈難畫一白子漢公取而折衷之必以紫

陽為依歸卓識大力當與三書共不朽也

鄭培曰天中白翔漢公輯鄴下李繼白夢沙刊行之

何氏碻四書補注

十九卷

存

碻自序曰碻幼讀四書聞塾師之所行說意若未盡及參之衆說間有闡微言發要旨補集注之所未逮爰取宋明儒家言參酌異同擇其是者補紫陽千慮之

一失為四書補注一書屬番禺闕子裁定之其

未盡之蘊別為或問若干卷詳著所以去取之故非
敢謂有意於聖人精意之所存後之人有是所當是
而非所當非者則礪之師也已

朱氏心四書衍注

未見

鄭元慶曰歸安人字念時鄉人稱序齋先生

傅氏維鱗四思堂說書

六卷

存

陸氏

在新

四書定解

二十卷

存

陸氏

隴其

四書松陽講義

六卷

存

隴其自序曰隴其在靈壽簿書之暇輒至學聽諸生講書有所觸發間疏其意示諸生或述先儒注脚或自書所見欲其即聖賢之言引而歸諸身心不徒視為干祿之具積久得一百十有八章有攜以南歸者謂有裨於學者遂謀付梓既成而寄京師隴其乃自序之隴其不敏雖嘗有志於學而不得其要領中年涉獵先儒之書始若稍稍望見涯涘而質鈍功淺終未得入其堂與自汨沒簿書以來益復鹵莽嘗思乞

身歸田整理書生舊業與同志之士講求討論或可
追隨先儒之萬一而一官羈絆尚未得遂至於此編
因於諸生有一日之長職當竭其愚故據胸中一時
所得告之以稍逭尸素之慙云爾非能著書講學也
若其拳拳於諸生者則有之也董子有言仁人者正
其誼不謀其利明其道不計其功程子云佛氏之言
學者當如淫聲美色以遠之此二者學之大綱也大
綱不差然後可漸而進焉自明中葉以來學術壞而

風俗乖卑者迷溺於功利高者沈淪於虛寂視董子
程子之言若茹毛結繩之不可復行於後世不知有
大綱又何論其他耶是世道之憂也故嘗以為今之
為世道計者必自羞乞墻賤壟斷闢佛老黜陽儒陰
釋之學始而是編之中亦三致意焉此隴其所嘗奉
教於君子者也或有小補於世意在斯乎若夫擴而
充之探其深而盡其微則尚願與學者共進之焉

四書困勉錄

三十七卷

存

唐氏達 四書臆解

未見

費氏世奇 四書講義

未見

鄭元慶曰費世奇字幼服歸安人拔貢生

王氏復禮 四書集注補

十二卷

存

四書正誤

十四卷

存

復禮自序曰經書之有解自漢儒始馬包孔鄭止詮
字義不尚文辭學者尋繹其中淺深皆可以自得宗
儒動輒譏其龐雜程朱楊謝諸公銳意發明為功甚

鉅然尚有質諸鬼神而可疑俟之聖人而滋惑者惟
矯誣聖賢援引佛老二者莫大焉夫以堯舜禹湯文
武之道傳諸尼山伊尹伯夷柳下惠之聖集諸孔子
使矢天參乘至聖而可疑將不勝其疑者矣五十為
七十為政為無為聖言而可易則不勝其易者矣是
誣聖也聖門七十餘賢強半有姓名而無事實已屬
可惜其載在魯論者率皆表表可解而以莊子疑琴
張以淮南證伯牛以佛老疑曾皙以喫菜根譏原憲

以沒下梢斷子張以終不喻定子貢以粗鄙近利毀
樊遲以傾側狹隘疑子夏至若夫子以君子許子產
而必曰聖人之學繫乎未聞以不伐美之反而必曰
其人沒檢束乃老氏之不敢為天下先不使古有全
人而後已是誣賢也吾儒之教與二氏異解儒書者
經傳史集儘可援引據依未有用二氏之說亂之者
何晏王弼崇尚虛無祖述莊老固不足怪乃程朱楊
陸號為醇儒者而亦隨波混俗誠所不解也因為正

誤一書先之以正解可從也次之以誤解不可信也
終之以正誤正其誤也予之為此所謂被髮纓冠為
同室之救涕泣而道非越人之疏矣茲解也非一人
一日之言也諸大儒之言漢唐宋以來之言也論語
曰多聞擇其善者而從之多見而識之期無負於夫子
之教而已

閻氏若璩四書釋地

一卷

續一卷

存

姜氏嘉四書別解

一卷

存

黃宗羲序曰姜子汝舉穎悟過人汎濫詞章方技之學亦既有年近遭憂患乃取四書以其所得者相為印合始知章句之外別有天地方正學云年來讀四書有味姜子可謂有味矣今日坊書千篇一律乃木

札蔗皮求為糟粕不可得也

洪氏

名未詳

四書說約

未見

陸元輔曰積齋洪氏未詳其名所撰周易翼義四書說約皆大學士史公繼偕序之

經義考卷二百五十九